

**“ŠAMPIONI ZAŠTITE PRIRODE,
BIH GREEN AWARDS” 2018.**

**Poziv za nominovanje kandidata
za učešće u javnom takmičenju za dodjelu nagrada**

Poštovane i poštovani,

Centar za razvoj i podršku iz Tuzle (CRP) uz podršku **Ambasade Republike Češke, UNDP, GIZ, Federalnog ministarstva okoliša i turizma, Ministarstva za prostorno uređenje, građevinarstvo i ekologiju Republike Srpske, Fonda za zaštitu okoliša Federacije Bosne i Hercegovine i Fonda za zaštitu životne sredine i energetske efikasnost Republike Srpske**, po drugi put u Bosni i Hercegovini organizuje dodjelu nagrade **“ŠAMPIONI ZAŠTITE PRIRODE, BIH GREEN AWARDS” 2018**. Prošle godine smo ovu kampanju realizovali u saradnji sa Ambasadom SAD u BiH. Namjera nam je ovom kampanjom promovisati korisne, inovativne i kreativne pristupe očuvanju prirode i životne sredine u našoj zemlji. Želimo pronaći preduzeća, gradove/općine/opštine, NVO-e, fondacije, škole, obdaništa, pojedince, grupe građana i neformalne građanske inicijative koji uspješno promovišu prave vrijednosti u oblasti zaštite prirode i životne sredine i koji kao takvi mogu motivisati i druge.

Pozivamo vas da pošaljete svoje nominacije (prijedloge) za sljedeće kategorije:

KATEGORIJE I KRITERIJI

1. GRAD/OPĆINA/OPŠTINA

Kriteriji za ovu kategoriju su sljedeći:

- Grad/općina/opština koji među svojim građanima promoviše zaštitu životne sredine;
- Grad/općina/opština koji na najbolji mogući način rješava svoje trenutne/tekuće okolišne probleme i tako stvara bolje životno okruženje u svojoj lokalnoj zajednici.

2. POSLOVNI SUBJEKTI - PREDUZEĆA

Kriteriji za ovu kategoriju su sljedeći:

- Preduzeće zvanično registrovano u BiH;

- Preduzeće je održivo i posluje na okolišno prihvatljiv način, bez ugrožavanja životne sredine.
- Preduzeće aktivno i praktično doprinose promociji zaštite okoliša i životne sredine.
- Nominacije preduzeća koja proizvode i distribuiraju fosilna goriva, duhanske proizvode i naoružanje neće biti razmatrane.

3. ORGANIZACIJE/NVO/FONDACIJE

Kriteriji za ovu kategoriju su sljedeći:

- Organizacije/NVO/Fondacije koje kroz svoje programe rade na podizanju svijesti građana o okolišnim problemima;
- Organizacije/NVO/Fondacije koje na najbolji način aktivno i praktično promovišu i rješavaju okolišnih problema.

4. ŠKOLE/OBDANIŠTA

Kriteriji za ovu kategoriju su sljedeći:

- Škole ili obdaništa koji na najbolji način aktivno i praktično doprinose promociji zaštite okoliša i životne sredine.
- Škole ili obdaništa koji implementiraju konkretne akcije u svojoj lokalnoj zajednici ili šire i na taj način doprinose zaštiti okoliša i životne sredine;
- Škole ili obdaništa koji podstiču mlade inovatore u oblasti zaštite životne sredine i okoliša.

5. GRAĐANKA I GRAĐANIN - POJEDINCI

U ovoj kategoriji su dvije pod-kategorije:

- a) građani i građanke do 30 godina starosti;
- b) građani i građanke preko 30 godina starosti.

Kriteriji za ove pod-kategoriju su sljedeći:

- Osoba koja radi na promociji zaštite životne sredine i okoliša u svojoj lokalnoj zajednici;
- Inovator/ka u oblasti zaštite okoliša čija inovacija je imala najveći uticaj/najveći odjek u BiH u oblasti zaštite životne sredine i okoliša.

6. NEFORMALNE GRUPE GRAĐANA (GRAĐANSKE INICIJATIVE)

- Neformalna grupa, koja inicira i implementira konkretne legalne akcije u svojoj lokalnoj zajednici i na taj način doprinosi zaštiti životne sredine i okoliša;



- Sprovedene legalne akcije ili inicijative koje su doprinijele zaštiti životne sredine i okoliša.

NOMINOVANJE

Nominovati mogu svi! Ovom prilikom vas pozivamo da i vi nominujete i date svoje prijedloge za "ŠAMPIONI ZAŠTITE PRIRODE, BIH GREEN AWARDS" 2018., u svim kategorijama ili samo u nekim, a nominovati možete jednog ili više kandidata po kategoriji. Da biste nominovali svoj prijedlog, potrebno je da popunite prijavni obrazac koji možete preuzeti na web stranici Centra za razvoj i podršku Tuzla, www.crp.org.ba. U obrascu navedete **naziv/ime i kontakt osobu grada/općine/opštine, preduzeća, NVO-a, fondacije, škole, obdaništa, građanke ili građanina i grupe građana, ukratko navedite primjere i opišite zašto baš njih nominujete. Popunjen prijavni obrazac pošaljite na e-mail adresu: alma.t@crp.org.ba NAJKASNIJE DO NEDJELJE 18.03.2018. godine do 00:00 sati. U naziv e- maila (subject) stavite NOMINACIJA ZA „ŠAMPIONI ZAŠTITE PRIRODE, BIH GREEN AWARDS 2018.“**

PROCES GLASANJA I ODABIRA NAJBOLJIH

Nakon prikupljenih nominacija, po isteku definisanog roka, komisija će u svakoj od kategorija predložiti kandidate koji ispunjavaju navedene kriterije, nakon čega će biti otvoreno **javno glasanje**. Glasanje će se obavljati elektronski putem glasačke forme koja će biti postavljena na **web i facebook stranicama CRP-a** (www.crp.org.ba; www.facebook.com/crptuzla). Tokom procesa glasanja periodično će biti objavljivan privremeni izvještaj komisije sa rang listom po kategorijama.

Napomene: Odbor za evaluaciju i bodovanje kandidata zadržava pravo da ne dodijeli ni jednu nagradu, ukoliko se dokaže da nije zadovoljen neki od navedenih kriterija. Komisija će prije objave liste, sve nominovane kontaktirati i obavijestiti ih da se nalaze na listi kandidata za nagradu "ŠAMPIONI ZAŠTITE PRIRODE, BIH GREEN AWARDS" 2018. Pobjednici u istoj kategoriji mogu biti izabrani najviše tri godine zaredom.

DODJELA NAGRADA

Nagrade se dodjeljuju u šest kategorija za postignuća u prethodnom periodu. Nagrade pobjednicima iz svake kategorije, će dodijeliti Ambasador Republike Češke u BiH nj.e. Jakub Skalnik, na svečanoj ceremoniji koja će ujedno biti i centralna manifestacija obilježavanja 22. aprila Dana planete Zemlje u Bosni i Hercegovini. Mjesto održavanja ceremonije će biti



naknadno određeno. Pored dodjele skulpture „*Zlatna Tisa*“¹, za pobjednike će biti obezbijedeno druženje i svečani ručak sa Ambasadorom i ministricama entitetskih resornih ministarstava i domaćinima uz značajnu medijsku promociju.

Za dodatne informacije i pitanja vam stojimo na raspolaganju. Kontakt osoba je Alma Tihčić, koordinatorica za komunikaciju, 035/248-340 ili 035/255-217.

Centar za razvoj i podršku,
Tuzla, 02. mart 2018. god.

¹ Tisa, (lat. *Taxus baccata* L.) je malo četinarsko drvo ili žbun iz porodice *Taxus*. Raste relativno sporo i može doživjeti veliku starost. Naraste od 1 - 40 m u visinu, sa promjerom stabla do 4 m. Ima tamno zelene, plosnate igličaste listove duge od 1-4 cm, široke 2-3 mm. Pošto je drvo tise veoma elastično, nekad se koristilo za pravljenje lukova i strijela. U mnogim zemljama je veoma ugrožena te je stavljena pod zaštitu. U Bosni i Hercegovini, tisa je zakonom zaštićena vrsta. Prema dostupnim podacima najstarija tisa u BiH nalazi se na planini Prenj i ima između 1500 i 1700 godina starosti.